
BS324C: MOBILIDADE TRANSNACIONAL XUVENIL, GALEUROPA: AXUDAS A ENTIDADES LOCAIS.

Beneficiarios/as:

a) Concellos, agrupacións de concellos ou mancomunidades da Comunidade Autónoma de Galicia validamente constituídas, así como as entidades resultantes da fusión de municipios a que se refire a Lei 5/1997, do 22 de xullo, de Administración local de Galicia.

b) Así mesmo, aqueles concellos que, sen constituír mancomunidade, acorden desenvolver programas conxuntos de actuación, poderán solicitar as axudas que regula esta orde, de conformidade co acordo do Consello da Xunta de Galicia de data 28 de febreiro de 2013, polo que se determinan os criterios aplicables ás axudas e subvencións destinadas ás Entidades Locais da Comunidade Autónoma de Galicia para primar proxectos de xestión compartida e incentivar procesos de fusión municipal.

Neste suposto, todos os concellos quedarán obrigados solidariamente ao cumprimento das obrigas que deriven da concesión da subvención.

Crédito: 208.076,45€

Solicitudes: Deberán presentarse unicamente por vía electrónica a través do formulario normalizado dispoñible na sede electrónica da Xunta de Galicia, <https://sede.xunta.es>. Anexo I-C.

Documentación:

- a) Solicitud de modelo oficial que figura no Anexo I-C
- b) Certificado do secretario ou secretaria que recolla o acordo do órgano competente, de solicitude da subvención e se nomee un/ha representante se procede.
- c) Copia da tarxeta de identificación fiscal da entidade local, só no caso de non autorizar a súa verificación.
- d) Copia do DNI/NIE da persoa representante da entidade, só no caso de non autorizar a súa consulta.
- e) Certificación do secretario da entidade local de ter remitido ao Consello de Contas as contas xerais do último exercicio.
- f) Anexo II co proxecto de mobilidade.

g) Cando o proxecto se desenvolva con persoal propio da entidade, certificación da persoa responsable do proxecto, na que consten os nomes dos traballadores ou das traballadoras asignados/as ao proxecto de mobilidade e maila súa titulación e/ou experiencia, así como a xornada e o número de horas que adicarán ao proxecto. A certificación deberá estar asinada pola persoa responsable e tamén pola persoa traballadora adscrita ao proxecto.

h) Cando se contrate persoal para o desenvolvemento do proxecto, o compromiso da persoa responsable do proxecto de que adscribirá como mínimo a unha persoa no caso de ser beneficiaria da axuda, e de que remitirá antes de comezar as mobilidades a certificación cos nomes dos traballadores ou das traballadoras contratados/as, así como a súa titulación e/ou experiencia, a xornada e o número de horas que adicarán ao proxecto.

i) Para os municipios que se acollan á fórmula de solicitude conxunta, o documento no que se acorde a colaboración dos concellos, no que se incluíra o nomeamento da persoa que actuará como representante e o certificado dos/as secretarios/as dos acordos do Pleno ou da Xunta de Goberno en que autorizan o concello a que actúe como representante de todos eles para a petición da subvención.

j) No caso de entidades locais que presenten a solicitude mediante a fórmula de mancomunidade ou agrupación de concellos, a declaración responsable de estar ao día no cumprimento das obrigas tributarias ou fronte á Seguridade Social e de non ter pendente de pagamento ningunha outra débeda coa Administración pública e o Sector Público da Comunidade Autónoma, ou a alternativa autorización debe ser de cada un dos concellos integrantes da agrupación ou mancomunidade, debendo por tanto cubrir cada un deles o anexo VIII. Neste caso deberán acompañar tamén unha copia do DNI/NIE de cada unha das persoas representantes das entidades participantes no proxecto se non autorizan para a súa consulta.

k) Memoria de aforro de custos de ser o caso, cando se trate de proxectos conxuntos.

l) De ser o caso, Anexo IV-C.

Contido dos proxectos:

1. Só se poderá presentar un proxecto por entidade solicitante
2. O número de mobilidades por proxecto será mínimo 4 e máximo 40, agás os proxectos conxuntos que terán como máximo de 50 mobilidades.
3. As mobilidades dun proxecto poderán ser realizadas en distintos fluxos dentro da duración máxima do proxecto.
4. A duración máxima do proxecto será de 6 meses

5. Requisitos mínimos:

- RECURSOS HUMANOS: Cada proxecto debe contar cunha persoa cualificada e/ou con experiencia no eido da xuventude e do emprego. Requírese un mínimo dunha xornada completa (37 horas e media semanais) para un número de mobilidades entre 31 e 40; media xornada para un número de mobilidades entre 11 e 30 e un cuarto de xornada para un número de mobilidades entre 4 e 10. Esta obriga deberá cumprirse en todas as fases do proxecto.

No proxecto de mobilidade, a entidade promotora do proxecto deberá especificar o número de persoas que asignará á xestión e a execución do proxecto e a xornada que lle adicarán, indicando se é persoal propio ou se será persoal contratado expresamente para o proxecto no caso de ser aprobado.

Así mesmo e respecto deste persoal, as entidades deberán acompañar coa solicitude a certificación ou compromiso esixidos.

- PREPARACIÓN LINGÜÍSTICA: A preparación lingüística deberá ser como mínimo de 10 horas e pode ser na lingua do país de destino ou de traballo dos/as mozos/as beneficiarios do proxecto, debendo existir unha relación directa coa estadía e adaptada á mobilidade. Esta preparación lingüística poderá realizarse no país de orixe ou no país de realización da práctica formativa e deberá ser impartida por profesionais.

- TITORIZACIÓN e apoio das estadías Como mínimo asignarase un mentor.

6. A entidade beneficiaria deberá realizar por si mesma a actividade subvencionada, non cabendo a subcontratación. Queda fóra deste concepto a contratación daqueles gastos en que teña que incurrir o beneficiario para a realización por si mesmo da actividade subvencionada.

Persoas destinatarias dos proxectos. Serán destinatarios/as dos proxectos os mozos e mozas que cumpran os requisitos esixidos para a inscrición no Sistema Nacional de Garantía Xuvenil no ámbito da comunidade autónoma. Poderán ter como idade mínima os 16 anos, e terán que ser menores de 25 ou de 30 se teñen unha discapacidade igual ou superior ao 33%

Selección das persoas participantes nas mobilidades

1. Farase conforme aos principios de publicidade e concorrência competitiva, atendendo como mínimo aos seguintes **criterios de valoración**:

a) Ata un máximo de dous puntos en función das prácticas formativas similares realizadas en convocatorias anteriores (incluídas convocatorias anteriores de Galeuropa, e bolsas Leonardo da Vinci e/ou Erasmus de prácticas), dando preferencia á persoa que

leve máis tempo sen realizar prácticas

- Por realizar algunha práctica no ano anterior á convocatoria_____0 puntos
- Por realizar prácticas no 2º ano anterior (e non no último ano)_____1 punto
- Por realizar prácticas no 3º ano anterior (e non nos 2 últimos anos)___1,5 puntos
- Por realizar prácticas hai máis de 3 anos ou non realizalas nunca____2 puntos.

b) Test escrito de motivación de realización de prácticas: ata un máximo de 3 puntos. Consistirá en 30 preguntas tipo test, valoradas en 0,10 puntos cada unha. (Realizados os test por todas as persoas solicitantes porase a súa disposición a plantilla de respostas correctas).

c) Obxectivos definidos pola persoa participante na solicitude de mobilidade, tendo en conta o seu grado de adecuación á finalidade do programa de mobilidade transnacional xuvenil e á do propio proxecto da entidade, ata un máximo de 0,5 puntos.

d) Mulleres vítimas de violencia de xénero ou persoas solicitantes cuxas proxenitoras a sufrisen, sempre que a acreditación das ditas circunstancias fora emitida con anterioridade á data da presentación da solicitude: 1 punto.

2. No suposto de que se produzan **empates** nas puntuacións de dúas ou máis persoas solicitantes, os criterios de desempate serán os seguintes:

- En primeiro lugar, a puntuación máis alta obtida nos criterios do apartado precedente na mesma orde na que están establecidos.
- En segundo lugar, a maior antigüidade no ficheiro do Sistema Nacional de Garantía Xuvenil no ámbito da Comunidade Autónoma de Galicia.
- En terceiro lugar, a maior idade fronte á menor.
- En cuarto lugar, igualdade de xénero: Darase preferencia ao xénero que teña menor número de solicitudes.
- Por último, de persistir o empate, terase en conta a orden de entrada da solicitude.

Duración das prácticas formativas: mínimo 2 meses e máximo 3 meses consecutivos.

Criterios de avaliación:

1. A **puntuación máxima por proxecto será de 100 puntos**, sen prexuízo do previsto para as solicitudes conxuntas presentadas ao abeiro do acordo do Consello da Xunta, do 28 de febreiro, polo que se determinan os criterios aplicables ás axudas e subvencións destinadas ás Entidades Locais da Comunidade Autónoma de Galicia para primar proxectos de xestión compartida e incentivar procesos de fusión municipal.

Para poder optar ás axudas propostas, os proxectos deberán obter un **mínimo de 50** puntos.

a) Número de persoas mozas incluídas no ficheiro do Sistema Nacional de Garantía Xuvenil no ámbito da Comunidade Autónoma de Galicia na data de remate da presentación de solicitudes, máximo 10 puntos, de conformidade cos seguintes criterios:

- Proxectos promovidos por un concello ou agrupación de concellos que teñan máis de 50 mozos/as inscritas: 10 puntos.
- Proxectos promovidos por un concello ou agrupación de concellos que teñan máis de 35 mozos/as inscritas: 8 puntos.
- Proxectos promovidos por un concello ou agrupación de concellos que teñan máis de 20 mozos/as inscritas: 6 puntos.
- Proxectos promovidos por un concello ou agrupación de concellos que teñan máis de 5 mozos/as inscritas: 4 puntos.

b) Melloras en recursos humanos respecto dos mínimos esixidos. Máximo 18 puntos.

Partindo de que a xornada completa é de 37 horas e media e tendo en conta os mínimos esixidos no artigo 29.6.1 para cada tramo de mobilidades (sexan 1 ou varias persoas):

- Aumento nun 25% da xornada _____ 4,5 puntos
- Aumento nun 50% da xornada _____ 9 puntos
- Aumento nun 100% da xornada _____ 18 puntos.

c) Melloras na preparación lingüística da mocidade participante, respecto dos requisitos mínimos esixidos no artigo 29.6.2. Máximo 10 puntos:

- De 11 a 20 horas _____ 2 puntos
- De 21 a 30 horas _____ 4 puntos
- De 31 a 40 horas _____ 6 puntos.
- De 41 a 50 horas _____ 8 puntos
- Máis de 50 horas _____ 10 puntos

d) Melloras nos mínimos esixidos para a titorización e apoio das estadías establecidas no artigo 29.6.3, ata un máximo de 3 puntos, segundo os seguintes criterios:

1º Polo aumento de mentores, 1 punto

2º Condicións ofertadas nas titorías e no seguimento dos/as participantes. Esta puntuación outorgarase en función da comparativa entre tódolos proxectos admitidos e ata un máximo de 2 puntos.

e) Ter asinados acordos con socios de acollida no momento de solicitar o proxecto, 18 puntos.

f) Número de mobilidades que contén o proxecto. Máximo 12 puntos.

- De 4 a 5 _____ 12 puntos
- De 6 a 10 _____ 10,5 puntos
- De 11 a 15 _____ 9 puntos
- De 16 a 20 _____ 7,5 puntos
- De 21 a 25 _____ 6 puntos
- De 26 a 30 _____ 4,5 puntos
- De 31 a 35 _____ 3 puntos
- De 36 a 40 _____ 1,5 puntos.

g) Duración das prácticas: Máximo 10 puntos, a razón de 2,5 puntos por cada semana que exceda dous meses.

h) Compromiso para colaborar con entidades europeas na acollida das súas mobilidades, 10 puntos.

i) Outras medidas, accións, actividades ou acordos que se tomarán coas persoas participantes, e que estean vinculadas ao programa obxecto desta convocatoria. A puntuación outorgarase logo de facer unha comparativa entre as ofertas de tódolos proxectos admitidos e ata un máximo de 3 puntos.

j) Proxectos que teñan como destinatarios/as persoas con discapacidade superior ou igual ao 33%, 6 puntos.

2. Para dar cumprimento ao acordo do Consello da Xunta de Galicia de data 28 de febreiro de 2013, polo que se determinan os criterios aplicables ás axudas e subvencións destinadas ás Entidades Locais da Comunidade Autónoma de Galicia para primar proxectos de xestión compartida e incentivar procesos de fusión municipal, as solicitudes conxuntas deberán consistir na participación conxunta e efectiva no desenvolvemento da actividade común, mediante achegas de organización, medios persoais, e materiais ou recursos financeiros para a finalidade compartida, de acordo coas respectivas competencias.

De conformidade co dito Acordo do Consello da Xunta, do 28 de febreiro, a **presentación conxunta da solicitude** implica a seguinte puntuación adicional:

a) A presentación da solicitude por unha mancomunidade ou agrupación de concellos, excluindo a modalidade de fusión municipal supón un incremento do 30% respecto da puntuación total, o que equivale a 30 puntos adicionais. Este criterio subdivídese do seguinte xeito:

- Pola mera presentación da solicitude conxunta nos termos e requisitos recollidos nesta base 3ª: 10 puntos adicionais.

- Polo número de concellos superior a dous que se asocien, 2 puntos adicionais, ata un máximo de 10 puntos

- Pola valoración da memoria de aforro de custos que se conseguen coa presentación conxunta respecto da individual: máximo 10 puntos

b) A presentación da solicitude por Concellos que fosen obxecto de fusión supón un incremento do 30% respecto da puntuación total, o que equivale a 30 puntos adicionais.

3. No caso de **empate** na puntuación entre varias entidades solicitantes das axudas e co fin de determinar a orde de prelación entre proxectos que obtiveron a mesma puntuación, fíxase como sistema de desempate:

a) O Emprego da lingua galega na redacción difusión e execución das actividades do proxecto que sexan susceptibles de valoración, de acordo ao seguinte baremo:

- Pola redacción do proxecto: 1 punto
 - Polo compromiso a realizar a convocatoria do proxecto de mobilidade e a súa difusión : 2 puntos
 - Polo compromiso a realizar o proceso selectivo e as accións formativas : 2 puntos
- b) A maior valoración que realizase a comisión de avaliación do proxecto en cada un dos criterios que se reflicten no apartado un e segundo a orde establecida nel.***